

ghene mynne **D**alre schoenste broet die
 in dy heueste alle ghenoechten en alle
 smaect der sueticheit. ick bidde dy datti
 mijn herte eten moet. en dat die leden
 mynre sielen veruult moeten worden
 mytter soeticheit n dyns smakes **D**hil-
 lighe broet **D**leuendighe broet **D**scho-
 ne en reyne broet **D**alre salichste broet
 dat vanden hemel biste ghecome ende
 gheuest der werlt dat leuent. com my
 in mijn herte en reynighe my van alle
 vleckken des vleysches ende des gheestes
Gand in mijn siele en make my ghe-
 font en hillich buten en ~~buten~~ bynne
Wil wesen een seker salich^t mijns licha-
 en mynre sielen **W**erdruff van my die
 boese gheesten die my laghen legghen.
 sie moeten veer scheidten van die ~~te~~
 macht dynre teghenwoerdich^t. op dat
 bynnen ende buten soe beschermt ou-
 mids dy. doer den rechten weghe moet
 toemen toe dijn rijke daer ick dy niet